

四庫全書

集部

欽定四庫全書

集部  
粵西叢載卷二

詳校官庶吉士臣瑚圖禮

主事銜臣徐以坤覆勘

總校官庶吉士臣朱鈐

校對官庶吉士臣吳裕德

謄錄監生臣宋學瀛

粵西叢載原序

嶺南遼阻昔人皆視為畏途後之人覽其紀載所見異辭所聞異辭所傳聞異辭未有不洞心駭目也如宋元以上則有陳承韜南越記沈懷遠南越志劉欣期交州記段公路北戶雜錄莫休符桂林風土記周去非嶺外代荅張田廣西會要范旻邕管雜記譚揆邕管溪洞雜記胡珵蒼梧雜志楊孚南裔異物志交州異物志萬震南州異物志劉恂嶺表錄異志孟瑄嶺南異物志房千

里南方異物志投荒雜錄范成大桂海虞衡志驂鸞錄  
追明之世則有葉繼熙臨桂雜識李文鳳月山叢談田  
汝成炎徼紀聞張鳴鳳桂故桂勝王士性桂海志續張  
七澤梧潯雜佩魏濬西事珥嶠南瑣記岳和聲續驂鸞  
錄曹學佺名勝志謝肇淛百粵風土記鄺露赤雅凡計  
二三十餘種或全帙猶存或斷簡無幾或僅存其目此  
皆專於其地者也至其他散見者亦往往而有也余既  
輯粵西詩載文載而於諸家所述者僅能錄其一二竊

自哂其遺漏之多也。因復念碑刻題名千載如一日也。行程日記萬里在目前也。善良之軼事宜章僉壬之穢迹可鑒也。閥閱世家非無盛事。封疆大吏自有公評也。仙人釋子則道術不少。神鬼妖魅則幻誕實繁也。鳥獸蟲豸多奇形。竹木花草多奇產也。風俗異其習。尚飲食異其嗜好也。大則土官跋扈叛服不常。小則山寇跳梁劫掠無間也。事物之變可喜可愕者不可殫記也。爰復為蒐羅編次叢載三十卷。獨是世不乏鄴侯插架而載。

紈無因絲屬渺聞妙見也聊就目之所涉者以補詩文  
所未逮雖不足資雅人之博物亦庶以供客座之笑談  
云爾康熙四十四年乙酉夏六月汪森序

欽定四庫全書

粵西叢載卷一

桂林府通判汪森編

靜江府石刻

陳思實刻  
叢編下同

唐平蠻頌

唐韓雲卿撰韓秀實八分書李陽冰篆額大

歷十二年立

諸道石  
刻錄

按西原蠻在唐為邊患久矣自

肅宗至德以來百餘年間諸蠻更相雄長乍服乍叛攻

桂管十八州所至焚廬舍掠士女元道州所謂城池井

邑但生荒草登高極望不見人烟蓋實錄也今此碑所  
序大歷十一年賊帥潘長安偽稱南安王誘脅夷蠻連  
跨州邑南距雕題交趾西控昆明夜郎北泊黔巫衡湘  
流毒如彼其廣天子命隴西縣男昌巒持節招討擒獲  
元惡并其將帥八十四人生獻闕下其俘獲二十餘萬  
並給耕牛種糧令還舊居勛烈如此之著其列傳偶闕  
而不書歐趙集古金石之文又偶不得此碑入錄鄉非  
事著於碑而碑錄於余其遂無聞矣

集古  
錄後



唐新步虛詞十九首 茅山玄靜先生門人朝議郎守

太府卿韋渠牟撰貞元十七年立字畫清勁

諸道石刻錄

唐新開隱山六洞記 唐都防禦判官侍御史內供奉

吳武陵撰防禦衙推韓方明八分書并篆額李渤游於

州之西山其溪谷潭洞皆人所未嘗至者遂名之曰隱

山構亭榭於其上以寶曆元年八月立此記

集古錄目

唐隱山六洞記 唐韋宗卿撰李方古書寶曆元年

諸道

石刻錄

唐杜鵑花詩二首 唐張濬及嶺南節度使劉崇龜唱

和杜鵑花詩二首前監察御史張巖書乾寧元年刻集古

目錄

唐新修堯舜二祠祭器記 唐趙觀文撰顏起正書并

篆額乾寧五年八月十五日建復齋碑錄

玄元綸言諸道石刻錄

容州石刻

唐景星寺碑 唐容州都督盧藏用撰并八分書篆額開

元四年立

諸道石刻錄

唐元結德政碑

唐大厯中立

諸道石刻錄

梧州石刻唐容州

唐水泉銘 唐大厯間容州刺史元結撰貞元十二年

正月十六日章武重修并書

復齋碑錄

柳州石刻

唐柳州山水記

唐柳宗元撰元和十年立

諸道石刻錄

唐重復大雲寺記

唐柳宗元撰正書無名篆刻憲宗

時立

復齋  
碑錄

唐羅池廟碑

唐吏部侍郎韓愈撰中書舍人沈傳師

書柳州刺史柳宗元死而為神州人立廟於羅池碑以

長慶元年正月立

集古  
錄目

唐柳州井銘

唐柳宗元撰沈傳師書長慶三年立字

畫頗不工疑後人偽為然以子厚集本校之不同者數

字此本為善又恐工人模刻不甚精好爾

金石  
錄

靜江府碑記

王象之輿地  
碑記目下同

桂林石瑞 唐太宗時桂州獻石瑞文上有字曰聖主  
大吉子孫五千歲

韓雲卿平蠻頌 九域志云唐李靖為嶺南安撫大使  
有平蠻頌碑韓雲卿文李陽冰篆額

訾家洲亭石記 訾氏所居訾氏亭記柳宗元文

隱山六峒記 唐韋宗卿

陽朔縣廳壁記 唐吳武陵

全義縣復北門記 柳宗元撰

修堯舜二祠祭器碑 唐趙觀文撰

新開隱山記 唐吳武陵撰

隱山六峒詩賦序碑 唐李渤撰

重修靈渠記 唐刺史魚孟威撰

唐衡嶽道士李彌明詩刻 在唐帝祠

饗軍堂記 柳宗元文

唐大厯磨崖 在堯舜祠

虞帝廟碑 唐李陽冰篆

桂頌 范成大作也桂林以桂名顧弗植桂成大始收  
之賓植之正夏堂植已而去郡為之祠幾後之人勿翦  
伐見賓州安城志

桂林志 鮑同序

桂林編 黃豈編柳褒序

桂海 范石湖序

嶺外代答 周喜序

容州碑記

元刺史奏民科率狀 在郡齋

唐盧藏用碑 開元四年舊在景新寺今在報恩寺

十洞記 吳元美撰

普寧志 司法梁日成編

唐刺史題名序 郡守陶弼撰

王慶曾恩元堂詩碑 見斷碑門

象州碑記

石羊山大字 石羊山在武仙縣上有六行大字隱約



如草書四傍皆無路可達莫辨其真土人相傳為仙人  
留題

象郡志 丁世英序

仙崗石刻 詳在景物上仙巖下

邕州碑記

天威經新鑿海派 咸通九年淨海軍營書記裴釗撰  
唐銅柱銘 在江左右其刻云銅柱折交人滅

建武志 尹安中編樂公明序

太宗平蠻碑 余靖文

邕州馬退山茅亭記 柳子厚文

邕管雜記 長編雍熙二年上覽邕管雜記歎其風俗

乖異詔嶺南諸州民嫁娶喪葬衣服制度委所在長吏

漸加戒厲俾遵條式

昭州碑記

唐明皇丹霄驛詩刻 驛前南面架危橋久欲登臨畏

路遙今日偶然尋得到真從平地上丹霄此明皇丹霄

驛詩也

南漢銅佛識 報恩光孝寺殿貯銅佛一軀趺坐蓮花  
中五代偽劉時所鑄高一丈二尺濶六尺座高七尺縱  
濶一丈巨拇圍五寸他稱之金蘭寶陣皆銅所范妙極  
精巧後有識云維大漢大寶四年

玉白泉石刻 在昭平縣龍門峽上有龍門峽玉白泉  
六大字

鄒道鄉祠堂記 南軒文

五瘴說 梅摯作刻石在梅公亭云

得志軒記 鄒浩撰

張臺立字序 鄒浩撰

昭潭志 韋揖編

梧州碑記

元結冰井銘 井在州北一里唐大厯十三年容州經  
略使元結過郡目曰冰井又為銘刻石泉上銘曰火山  
無火冰井無冰 闕  
甘寒可凝鑄金磨石篆刻此

銘置之泉上彰厥後生

吳武陵墓石刻 在桂芳橋上有石刻云咸通二年七月五日吳武陵之墓

蒼梧志 薛誠之編

蒼梧集 見集賢堂下無編集人姓名

藤州碑記

闕

潯州碑記

南海乾和白石秀林之記 乾和三年歲次乙酉奉勅

鐫石玉皇儀像侍衛九軀并修金錄齋慶讚記臣吳可

一撰

余襄公學記 在慶厯中詳見修貢院記

潯江志 教授黃鍾序

白石洞陽明觀記 景祐二年立

陳坦然墓記 余襄公撰

龔州廳壁記 潘陽石瑛撰

太守題名記 大觀二年郡守張浙云

貴州碑記

懷澤志 教授譚景光序

柳州碑記

柳州文宣王新修廟碑 柳子厚文

黃柑堂碑 在黃柑堂柳子厚所題詩刻今存

乾明寺碑 柳子厚來刺是邦而建寺有碑

東亭記 柳子厚文

大雲寺 柳宗元碑見存

柳州山水記 柳宗元撰

柳侯遺碑 學有夫子廟碑蓋子厚親筆久仆無聞淳熙己酉太守趙彥禮復得舊斷碑并蓋於學宮草莽間遂龕於郡治明秀堂

羅池廟碑 韓文公作集古錄云長慶元年立

靈泉寺磨崖碑 王安中撰

重修學記 汪藻撰

橫州碑記

闕



融州碑記

唐平蠻刻 久視元年

玉融志 楊昱

天下第一真仙之巖 張于湖書

賓州碑記

韋厥碑 智誠洞去縣四十里蓋韋厥所隱之洞也碑  
乃廖州刺史韋敬辦所撰

葛仙崑三大字 在州西十五里葛仙崑

安城志 吳遠編

鬱林州碑記

隱仙巖留題 在南留縣壁上有元和十四年來游字  
餘不可考

唐乾符中碑 北戍灘在博白縣西南一百里馬門灘  
之下唐咸通末安南都護高駢既平蠻獠詔歸闕自海  
路由合浦而上經是灘險不可行又中伏巨石駢因留  
俸錢遺海門防遏使楊俊營治之至今舟楫通行人無

艱阻乾符中俊立碑以紀其事碑今存焉

鬱林圖志 舊記李宗鄂序新誌施坤序

宜州碑記

闕

賀州碑記

龍母廟秦古碑 在蒼梧門外神乃秦人碑備述靈異

蘇許公烈女碑 在廟中

廣陽島石刻 碧雲崑在富川縣一里崑洞邃深石壁

絕高處有石脈成三字曰廣陽島遠望分明近視如擘

絮狀

幽山丹甌記

太和五年李邵撰

惠澤侯廟碑

在廟

元祐黨籍石刻

見魏澹  
西事珥

龍隱巖石壁上刻有元祐黨籍文臣曾任宰臣執政者  
二十七人曾任待制以上者四十九人餘官一百七十  
七人武臣二十五人內臣二十九人為臣不忠曾任宰  
臣者二人乃慶元間刻蓋欲存其名以明公論故摩崖

鐫之子考崇寧元年壬午九月蔡京籍元祐及元符末  
宰執司馬光等侍從蘇軾等文臣程頤等武臣王獻可  
等宦者張士良等共百二十人為姦黨請帝書之遂刻  
石於端禮門次年癸未頒之州縣令監司長吏廳皆刻  
石又次年甲申重定黨籍刻石朝堂凡三百九人此其  
重定者也然賢不肖混淆亦有詆訾元祐之政者濫廁  
其間凡與元長齟齬者皆目為姦黨又元長與章子厚  
交惡內亦多章黨五年丙戌正月以星變從劉達之請

即夜擊碎其碑京次晨始見之厲聲曰石可毀名不可滅也嘻名信哉不可滅矣按此碑刻纔年餘即碎且無問後世公論也是刻云置於文德殿門之東壁時又鑄寶鼎列元祐諸臣之名於上以當魑魅金人入汴始擊而碎之今錄龍隱刻於左

皇帝嗣位之五年旌別淑慝明信賞刑元祐害政之臣靡有佚罰乃命有司夷考罪狀第其首惡與其附麗者以聞得三百九人皇帝書而刊之石置於文德殿門之

東壁永為萬世臣子之戒又詔臣京書之將以頒之天下臣竊惟陛下仁聖英武遵制揚功彰善瘴惡以昭先烈臣敢不對揚休命仰承陛下孝弟繼述之志司空尚書左僕射兼門下侍郎臣蔡京謹書

元祐姦黨

文臣曾任宰臣執政

二十  
七人

司馬光故文彥博故呂公著故呂大防劉摯故范純仁

故韓忠彥曾布梁燾王巖叟故蘇轍王存鄭雍故傅堯

俞故

趙詹故

韓維故

孫固故

范百祿故

胡宗愈故

李清

臣劉奉世范純禮安燾陸佃故

黃履故

張商英蔣之奇

曾任待制以上官

四十人

蘇軾故

劉安世范祖禹故

朱光庭故

姚勔故

趙君錫故

馬默故

孔武仲故

孔文仲吳安持故

錢勰故

李之純故

孫覺故

鮮于侁故

趙彥若故

趙高王欽臣故

孫升故  
李

周故

王汾故

韓川故

顧臨故

賈易呂希純曾肇王覲范

純粹呂陶王古豐稷張舜民張問故

楊畏鄒浩陳次升



謝文瓘岑象求周鼎徐勣路昌衡董敦逸故上官均葉

濤故郭知章楊康國龔原朱紱葉祖洽朱師服

餘官

一百七十七人

秦觀故

黃庭堅晁補之張耒吳安詩歐陽棐劉唐老王

鞏呂希哲杜純張保源孔平仲衡鈞充公適故洪百藥

周誼孫琮范柔中鄧考甫王察趙岫封覺民胡端修李

傑李賁趙令時郭執中萬芳金極高公應安信之張集

黃策吳安遜周永徽高漸張夙鮮于緯呂諒卿王貫朱

紘吳朋故 梁安國王右蘇迥檀固何大受王箴鹿敏求

江公望曾紆高士育鄧忠臣故 种師極韓治都貺秦希

甫錢景祥周縉何大正呂彥祖梁寬沈千曹興宗羅鼎

臣劉勃王極黃安期陳師錫于肇黃遷莫俠許堯輔楊

拙胡良梅君俞寇宗顏張居李脩逢純熙高遵恪黃才

曹盥侯顯道周遵道林膚葛輝故 宋壽岳王公彥王交

張溥許安修劉吉甫胡潛董祥楊懷寶倪直儒蔣津王

守鄧允中梁俊民王陽張裕陸表民葉世英謝潛陳唐

劉經國湯馘故司馬康故宋保國故黃隱畢仲游常安

民汪行余爽鄭俠常立程頤唐義問余卞李格非陳瓘

任伯雨張庭堅馬涓孫鏐故陳郭朱光裔蘇嘉龔夬王

回呂希績故吳儔故歐陽中立尹材葉伸故李茂直吳

處厚李積中商倚陳祐虞防李杜李深李之儀范正平

曹蓋楊綝蘇昞葛茂宗劉謂柴袞洪羽趙天佑李新扈

充故張恕陳并洪芻周鏐蕭利趙越滕友江洵方适許

端卿李昭玘向紉陳察鍾正甫高茂華楊彥璋廖正一

李夷行彭醇梁世能

武臣

二十五人

張翼李備

故

王獻可

故

胡田馬諗王履趙希夷任濬郭

子旂錢盛趙希德王長民李冰

故

王庭臣吉師雄李愚

吳休復崔昌符潘滋高士權李嘉亮李玗劉延肇姚雄

李基

內臣

二十九人

梁惟簡

故

陳衍

故

張士良梁知新

故

李倬

故

譚宸寶鉞

趙約黃卿從馮記曾壽蘇舜民楊偁梁弼陳恂張茂則  
故張琳裴彥臣李偁故閻守勲王紱李穆蔡克明王化  
基任道鄧世昌鄭居簡張祐王化臣

為臣不忠曾任宰臣 二人

王珪章惇

公論天地並大日月並明亘億萬年矛盾互馳此脉終  
不可亂欲勢力變置之有是哉元祐黨議徽宗固隨高  
宗亦繼昨宵觀國史謂實錄及論公家儀寺書大氏有

致慶元戊午備

闕

未始始獲識左丞梁公之曾孫府鈐

闕

律愛其有前輩風度相與甚

闕

暱改日從容及籍中

名氏因謂欲刻諸石便報傳夫前此一時之屈而後此

萬世

闕

其所得孰多然惟是焉計淺之為丈夫耳非

所施於昔賢特碑

闕

無恙彼小人者所有

闕

惠其汗蠟

君子本以利已浮

闕

定罪惡反

闕

死貽鬼

闕

至

闕

其邪心

闕

必少俊明斯舉也似不無

補歲九月日吉川饒祖堯敬跋

融州石刻

融州真仙巖多碑刻元祐黨碑亦在焉明胡文穆公為

廣僉事時碎之此文穆自載於已集

郎瑛七  
修類藁

石刻補

九疑山碑

漢蔡邕文并隸書在廣西

以下見曹昭  
格古要論

西嶽書

唐李衛公布衣時上西嶽書蓋厭隋亂其志

奮欲有為而浴之神明之辭也其書亦佳石刻在廣西

羅池廟碑

唐柳子厚祠韓文公作文宋蘇東坡真書

高州石屏記碑刻 宋洪邁文朱希顏跋刻於龍隱巖

石室

此見  
搨本

讀書巖宋乾道九年蔣時日新篆雙清堂三字又有舊

刻雪洞二字

以下見張  
鳴鳳桂勝

中隱巖有篆書張公洞三字

灘山雪崖二真書旁有佛像下鐫唐僧智深為合浦令

呂興造佛像記 朝陽洞三篆字張孝祥書 水月洞

三字谿園居士書谿園乃宋靜江倅吳億之別號



雉山雉巖兩大字劉晞書晞即里人隱居辰山者

南溪山三篆字 玄巖洞三隸字 觀音巖三真字

劉仙巖穿雲巖三楷書 仙迹巖三楷書

伏波巖有靜江軍三大字集賢殿脩撰熙河蘭岷路經  
略安撫兼知熙州鄜陽鍾傅書寶文閣待制知桂州兼  
廣南西路經略安撫使鄜陽程節上石 正夏堂三大  
字隸書吳郡范成大立睢陽杜易書 還珠洞三大字

或曰張孝祥書

七星山洞有李彌大仙李巖三大字 洞門上有方信  
孺遊四大篆字又有小書嘉定甲戌七月既刻於栖霞  
洞

彈子巖之右有一巖其壁鐫有真書論語尊五美全章  
旁有跋云廣漢張公栻嘗大書於桂林郡之治事廳桐  
廬詹公儀之欲其傳之廣也命鏡諸石俾凡臨民者皆  
得目擊心存力行無倦庶不負聖人之訓淳熙甲辰冬  
長至日郡文學長沙陳邕謹題

龍隱巖石刻 雨華堂三大字東平劉無欲書住山僧  
慧澄刻 世節堂三大字嘉定八年二月吉莆田方信  
孺新桂林西漕臺廳事為世節堂長沙易袞書扁磨厓  
於龍隱巖 谿園居士四篆字吳億書

隱山石刻 招隱山三大篆書范石湖書 隱山二大  
篆書 北牖洞三大篆書 招隱二真書  
潛洞二篆字

西山千山觀三大字嘉定五年李曾伯書

清秀巖三大字真書旁小書士美二字

空明山三大篆字 月巖二大字嘉定五年胡伯圓書

疊綵山三大篆字又有福真洞三字亦篆書

千越山三字橫列自左而右山下有栖真洞及洞北門  
共九大字皆用篆

四望山亦三篆字不著書者姓名然皆元晦時所題鐫  
混沌巖三大字亦篆文

金石錄載唐桂州都督程元英碑李邕撰文張廷珪八

分書大厯七年五月立

以下見曹學  
佺名勝志

隋桂州總管陳莫穎墓誌正書無姓名唐武德八年十

月

文獻通考桂林風土記一卷唐融州刺史權知春州莫  
休符撰昭宗光化二年

桂林志一卷宋乾道五年靜江教授江文叔編時張維  
為帥撰次刊刻

桂海虞衡志二卷府帥吳郡范至能撰成大自桂移蜀

道中追記昔遊

桂林盛事記張仲宇撰字德儀紹興間人與石安民相  
為引重安民二弟安行安持俱能文里人號曰三石

興安縣乳洞題字 宋李邦彥名上層曰飛霞洞隸書  
玉谿橋三字又張孝祥大書上清三洞四字

全州神仙巖題字 巖在州北六十里為古神仙所居  
有石刻幽徑二字

義寧縣學題字 宋淳熙間張栻知靜江府嘗按縣至

義寧為書義寧縣學四大字刻石見存

平樂府昭平縣玉白泉題字 泉在縣西北十里龍門  
峽左宋治平間刻龍門峽玉白泉六字

梧州府鬱林州碑刻 後漢鬱林養奮碑字叔高和帝

時舉方正碑以初平四年八月立 金石錄 唐鬱林觀東

高壁上崔逸八分書併撰文開元七年正月立 金石錄

博白縣將軍洞刻字 洞在縣南三十里洞凡三重石

室虛明中有石田石龍石廩有溫涼泉分為二派而流

石壁上刻南州太守領將軍龐孝泰十字

興業縣古州巖題字 巖廣數丈巖中有潭四時不涸

又東入一竇有石懸下如鐘扣之鏗然石壁間有元和十四年來遊等字

柳州府融縣石刻 真仙巖有宋元祐黨籍碑 採藍

洞四面青山護列洞中平地如砥石上有硃書採藍洞三字

賓州領方山石碑 山在城東一里古郡縣名皆因之



今設學宮處有元淳祐中進士題名碑

慶遠府河池州太平山刻字 山在金城江次巖上鐫

天下太平四字

潯州府桂平縣永通峽刻字 峽勢極險巖獠賊所出

沒明都御史韓雍討平之原名藤峽舊傳峽口有藤大  
如斗長數百丈連峽而生公命斷之汁流水赤賊巢始  
沒正德十二年都御史陳金奏改今名鐫有勅賜永通  
峽五字於石

貴縣南澗井刻字

井東有卷石蘇東坡大書南澗二

字

南寧府刻壁

宋初范旻字貴叅丞相質之子嶺南初

平旻知邕州為撰邕管雜記三卷併刻療病方書寘諸

廳壁

隆安縣陽明洞石刻

洞在縣西北三十里王文成公

征思田時舟經於此刻陽明洞天四字又刻平南記一

篇

橫州戒石銘 銘在州甬道黃庭堅書

上思州東香山刻字 東香山巖峻洞深怪石層出入  
洞者持炬照之上有弄懷山三字

粵西叢載卷一

欽定四庫全書

粵西叢載卷二

桂林府通判汪森編

題名

見桂勝

臨桂縣讀書巖題名 唐刑部員外郎孟簡元和元年

三月三日遊 宋朝奉郎通判桂州軍州事楊書思政

和二年九月晦來 孫覲北歸提點刑獄董莽招經畧

安撫劉彥適轉運副使陳充轉運判官趙子巖餞於蒙

亭飯後登鐵牛寺塔徒步入藏院觀無盡老人畫象初  
察道人書榜及讀書嵒所刻五詠晚集於靜寄紹興四  
年十月十七日 淳熙改元冬常恭曾遊 開封王維  
則拉張信之啜茶嵒下山主華公預焉淳熙十年歲次  
癸卯七月十九日題 紹興甲戌三月二十七日知府  
事呂愿中訪顏氏讀書巖淪茗鼓琴喪回久之預者三  
人機宜劉襄監郡朱良弼司理葉仁

隱山題名 河內李曾伯再牧桂之明年實開慶改元

上命三衢柴士表視邊隘竣事將還夏六月二十一日  
約憲倉四明豐蒞兵帥汪光朱廣用符離朱煥載酒千  
山觀訪招隱過仙奕感今懷昔風物固亡恙也時火傘  
張空水光蘸碧相與徜徉其間清不受暑因得四十字  
并識諸石 治平元年仲冬十八日同魯國長源吳興  
彥聖遊鴈門質夫因題於洞之左崖 轉運使沈起提  
點刑獄章峴治平丁未仲冬十有二日同遊隱山因訪  
武陵遺事遂題於石 淳熙戊戌歲六月丙戌廖季能

置酒約詹體仁張敬夫登千山觀泛舟西湖荷花雖未  
盛開水光清淨自足銷暑視北牖洞之前有勝地體仁  
欲為小亭名以招隱敬夫北歸有日不及觀斯亭之經  
始獨預書招隱二字以貽之 招隱亭中詹體仁約廖  
季能飲酒落之水光山色隱映萬狀畢陳於樽俎之間  
遂登北牖洞捫崖剔蘚得唐刺史李渤寶歷間題名蓋  
西湖最勝處也回視題扁與石間留字有懷張敬夫矯  
首飛鴻為之滿引并以所書招隱二大字鑱諸石云淳



熙戊戌閏月下澣 招隱之勝冠絕桂林淳熙五年仲  
秋辛亥建安黃德琬廷瑞昭武龔總會叟延平張士佺  
子真邯鄲劉乘晉伯莒國宋虞卿元凱瑯琊王文若謂  
之長沙李逵超宗闕中馬寧祖奉先泛舟來遊鄭廷臣  
書 淳熙壬寅六月二十日四明王正己伯仁夫攜孥  
來遊 桐廬詹儀之以寒食休務約郡丞陳昭嗣李晉  
帥屬周環滕瑣唐廷堅葉子義郡文學陳邕蚤飯榕溪  
閣觀青帶甘棠橋歷覽西湖六洞之勝時膏雨初霽風

日融怡流峙動植觸目會心分韻賦詩薄暮而返淳熙  
十四年二月戊子 淳熙丁未七月下澣詹體仁王仲  
寅孫稽仲觀稼城西小酌招隱亭亭蓋體仁將漕時所  
建俯仰十年感慨賦詩近暮乃還 北崑劉愈晞韓以  
孟冬初澣約建安雷霆復之桂陽姚宋佐輔之禾川劉  
伯源慶長金華徐由己克仁號略楊芳懷英圯上邵康  
年仲安長沙曾倫長卿安成彭世亨元泰探勝湖上屬  
時久晴風景怡暢崇崖巨壑萬狀畢陳泛澄升高窮所

未到相羊周覽改席精廬清興有餘盃行無算竟夕乃  
還實淳熙丁未歲也 嘉泰元年秋七月二日溫陵趙

庚西叔徐伯嵩高叟陳輝君顯陳次山景甫延平廖視  
明甫李之有叔則鍾安老定叟三山王復古興周黃士  
特仲誼莆陽傅誠至叔顧禕韋叔葉元澤季成臨汀吳  
雄夢錫建安劉學裘傳之同遊 經畧安撫使莆陽蔡

戡定夫提點刑獄公事延平廖瓌季碩轉運判官長沙  
吳獵德夫嘉泰三年重九日同遊 計使括蒼管定夫

帥守巨野李誠之後先來桂且久未嘗一武西湖崑洞  
壬申初伏始獲遊覽自資慶腰輿上山觀憩西峯中  
峯隱山煮茗談方外移時泛舟訪招隱巖竇幽邃竒石  
森列湖光瀲灩雲錦帶映誠可賞已而雷聲殷空雲頭  
俄興涼雨飄灑四顧田野綠秧濯濯下文 嘉定壬申  
六月下澣括蒼管湛携家登山觀泛西湖 方孚若  
侍親屢遊嘉定癸酉 荷花鏡香鼓棹觴吟依約杭湖  
白蘇如在蒼崖玉立澄潭環馬枕漱其間又令人有蓬

瀛想顛曾原一盱周子榮汴趙希圓時鏢洪范得輿淳  
祐十二年夏五

潛洞題名

王壽卿姚同卿張子貞子斐黃德制田子

謩王儀之滕子正乾道己丑中元日遊

淳熙辛丑夏

六月望天台王清叔約客於西湖之上程伯莊徐商老  
張明仲劉傳朋張子真李伯寅魏熏夫王詠之凡八人  
於時背夏涉秋老火益壯縈舟叢薄少憩是間觴行笑  
歌聲動崑谷夕景西下冷風襲人殊不知有暑氣茲遊

甚樂書以記時

西山題名

假守張莊禱雨茲山

闕

大觀

闕

年

闕

月

闕

日

轉運副使權經畧安撫陳仲宜道夫提

點刑獄唐最夢副提舉常平陳中復從道走馬承受陳  
昉明遠同遊西山飲於觀音院登西峯閣啜茶盤桓抵  
暮而歸政和改元仲冬癸亥轉運判官唐懋晉德題

莆田李子凝紹熙五年嘗陪漕運方公東遊嵩竇西泛  
湖山來一寓目後餘二十年東閣檢詳軺車游至因籟

後塵千山爽氣且復挹致

闕

裝東歸焉嘉定甲戌

重九日書

河內李曾伯長孺領客胡實端甫李廷龍

東甫管安昌順甫周應和同甫同來弟李仕教忠子杓

姪根侍淳佑庚戌四月之十日

咸淳甲戌四月初六

日憲倉九華章時發帥守同谷李興聯車遊西湖登千

山觀憩雲戶洞曠望幽尋景趣兩得

下文闕

中隱山題名

元豐二年八月十八日劉宜父曾公冕

苗永孺僧紹簡遊

括蒼管定夫莆陽方孚若長樂陳

孚仲嘉定癸酉先重陽一日來遊 詩境癸酉三月三

日遊詩境即方孚若之別號 蕭子敬向伯大王德強

呂叔舉鍾德元張聖泳鍾長卿王必大端平丙申下元

前二日來遊 長沙鍾春伯豫章范旂叟端平丙申歲

十月既望前三日同遊 臨川羅愚淳祐辛丑中伏日

約曹伯虎聶世用梁价魏牧楊羲仲趙時頌陳噲汪知

幾翁崇國觀稼西郊至呂公嵩泛舟覽湖山之勝觀石

湖南軒諸賢題字時雨初霽涼風先秋穡事可期因志



其喜 陳鐸叔振周子榮景仁范得輿民載趙孟邁君  
啟淳祐辛亥前立春二日同遊

清秀山題名 龍圖閣直學士經略王公若愚與提點  
刑獄劉子至提舉學事唐夢傳大張旌旆觀稼近郊烹  
今歲建芽於此遂過傲雲諸閣大觀元年五月十六日  
權發遣轉運副使公事張莊正民題 杜唐臣張通夫

王誠中張通甫董君佐姪聖程聖欽元符三年八月旦  
同遊 欲騎日月超然之韻端臣獨題 公輔公密大

觀庚寅清明前六日遊男叔侍 明叔仲明仁仲子源

靖康改元五月中休同遊是歲初冬九日明叔仲明子

源同晉卿再來時仁仲以母憂歸鄉 郡守呂叔恭以

甲戌季春七日遊中隱巖山水之興未已後兩日再拉

機宜劉子思監州朱國輔經屬陳朝彥同至新洞所見

愈竒真所謂倒飡甘蔗也 嘉定甲戌六月六日始遊

清秀崑呂叔恭得此巖亦甲戌歲刻石猶可攷莆田方

信孺孚若 嘉定甲戌歲立秋前二日盱江張自明誠

子來遊奉次詩境詩翁扉字韻黃冠鄒次洪方袍清一  
同來 衡陽太守裴夢貺祖塗前一日魏彥濟陳景淵  
同遊自新洞過龍隱酌八桂堂徧覽勝概為贖甲寅二  
月十有二日 張仲欽郭道深張安國同遊朱元順清  
巖

琴潭山題名 宋方提刑題云乎若再至桂林歷窮勝  
踐最後始得清秀玉乳荔枝琴潭四崑而琴潭水石又  
諸巖之冠冕且川原平行羣峯環抱愛之幾不能去安

得此為菟裘地邪嘉定甲戌七月二十日同來李子凝  
張玉父林時可子左廷左車侍

灘山題名 曾布陳倩苗時中劉宗傑齊謨劉誼宋元  
豐二年中秋遊 淳熙乙未歲中秋日廣漢張敬夫約  
長樂鄭少融玉山趙養民同遊水東諸崑薄暮自松關  
放舟泊水月洞天宇清曠月色佳甚因書崖壁以紀勝  
概 臨江曾宏正崇仁吳湜廬陵楊壽真三山陳華子  
羽士李可道同遊子公邁公适侍淳熙癸卯九月望

桐廬詹儀之以淳熙戊申四月辛巳同臨賀別駕涂四  
友新欽陽守陳昭嗣前桂林郡文學陳邕泛舟訪水月  
洞登訾家洲時亭榭一新江山改色懷古覽勝觴詠忘  
歸後一月辛酉約幕屬陳邕唐廷堅雷霆憲屬陳東漕  
屬黃奕余偁劉三錫來尋盟 延陵吳宗旦宜之新安  
朱晞顏子淵冒雨泛舟遊朝陽洞以訪水月水色正碧  
洞月宛然無異望水輪於雲峯缺處舉盃酌月迺還紹  
熙改元授衣假去丹陽張金以紹熙甲寅正月四日集

賓僚廬陵胡榘相臺王思詠吳門范藻臨川董居誼新安汪楚材郡人滑懋於報恩寺之脩然亭食已泛舟龍隱遂過訾家洲訪水月洞登慈氏閣從容竟日而歸桂林山水之勝冠絕西南易節此來雖去鄉益遠而公餘登覽心開目明歸思為之頓釋云 淳熙丙午先公吏部通守是邦戊申春拜欽陽太守時連帥桐廬詹二卿與先公為道誼交不以吏屬視一觴一詠莫不與焉疇累侍膝下年未冠今四十五載矣紹定己丑疇自零陵

守蒙恩再畀節來南登桂嶺四望簪帶宛然白雲何在  
情已不能自勝歲餘幸所部相安得以暇日攜男輩遊  
水月洞細睨懸崖上有詹與先公所識歲月愈愴然於  
中命成之來前曰汝知之乎先公自擢第至二千石歷  
欽貴徽三郡俱有治狀入拜右侍郎輪對論中外吏治  
苟且事玉音嘉獎者數四即下詔戒飭未幾持浙西憲  
節活毘陵京口江陰饑民百萬至今人思之蓋先公平  
日有言仕官無大小食焉必思其報今日能挈汝以遊

此者先訓之力也汝謹毋忘成之拱手曰唯請書之紹  
定庚寅五月朔男朝散大夫廣南西路轉運判官疇百  
拜拂塵孫將仕郎成之秉筆 吾閩衣冠甲天下遊宦  
於桂林者一時為盛經幕三山卓樗子用紹定辛卯菊  
節會同里二十有一人同幕趙絲夫仲至林文誠公著  
憲幕李遇用之漕幕陳夢庚景長林應辰振老趙希鄂  
仲鞞薛之鑑明叟奉檄至者郭岳伯崇陳該一彥博方  
禹錫文瑞李士煒華國趙必取世穎王震定東父柯楚



伯翹林顥景程林機次樞鄭公望希呂調銓者陳士吉  
一卿趙希琳宗美陳應龍翔卿聯轡湘南登千山憩簪  
帶挹棲霞七星之秀薄暮舍策泛舟由龍隱涉訾家洲  
夷猶水月之下把酒賦詩人物與衆山俱清情無涯而  
樂亦無涯也 贛曾原一汴趙希圓淳祐壬子上已盤  
薄水月詠南軒遺篇光霽熙然懷哉若人

雉山題名 轉運使屯田外郎蘇安世與進士趙揚來  
遊并男台文祥文炳文彥文侍行乙未三月二十三日

大宋治平元年臘後一日運判孔延之具舟按部因  
率通判范子明機宜姚原道知龔州丁錞飲餞于雉山  
提刑余藻書崑石以紀 武陵張頡仲舉甬上苗時中  
子居洛陽劉宗傑唐輔吳興劉誼宜父七月自真山觀  
來遊元豐元年八月 轉運使朝散大夫直集賢院陳  
倩權提點刑獄奉議郎彭次雲權提舉常平奉議郎齊  
諶權發遣提舉常平通直郎劉誼元豐二年十二月十  
七日同遊雉山巖寺留題 元豐辛酉歲孟夏二十三

日君美會仲舉仲隱施元子期自壽寧早膳泛舟晚飲  
雉嵒是日仲隱被旨還使湖南李時亮題 通直郎經

略司管勾文字李孝忠全叔永寧簿吳朋彥周元祐二  
年九月七日來遊 元祐六年三月二十四日自逍遙

樓出桂江泛舟至雉山觀巖洞微雨不可登絕頂沂流  
過壽寧復還逍遙置酒高郵孫覽溫陵謝季成漣水孫  
傑荆渚朱袞宣城董必曲江譚掞劉瑋同遊 汴陽高

士勤德修許賓元忠崇寧元年七月初四日同遊 程

子立安撫邕莞周公儀許元善范貴之張通甫張景通  
藺大冲柳成甫李端臣洪仲達程聖欽范少房同通叟  
飲餞雉山宗寧壬午季夏望日 東都程建子立宗寧

甲申清明前一日挈家遊男徹術衍侍行 鄱陽程欽  
之率龍舒劉成之汝陽梁晦叔淄川范貴之臨川徐伯  
應鄱陽萬彥亨劉長孺南康范少房南海張守道同遊  
雉山男昇侍大觀戊子九月望日 張子修農子源王  
君錫宋義夫何由道張方仲侯伯壽餞客來遊大觀庚

寅九月二十一日 政和二年三月二十七日南郡唐

晉德攜家遊男鋼銖銓錫侍行 建安謝勲信都李溫

古原田永年長沙裴曉廣陵楚執規淮海楊書思政和

癸巳孟春晦日同來 端臣適用聯袂凌顛景歎幽叢

岑然吸酪奴為無方遊維摩丈室益自生白政和丙申

季秋次朔 杜賢萬劉資中張方仲自龍隱過雉山政

和三年三月二十日 清湘唐孝稱宗舉開封劉若愚

惠夫若水幾道乘暇登永寧閣復飯雉山紹興丙申重

九日 元壽攜家來丙寅仲春十有四日 肥鄉胡彥

溫以職事約東提鹽會議蒼梧桐廬詹體仁招三山熊  
景瞻飲餞於雉山之禊亭雨餘江山如洗樽俎無復暑  
氣檢校陳迹一別益六年矣縱步巖广景物尤勝勸酬  
歡喜豈偶來還勝於特來邪淳熙十有一年夏五月甲  
寅 莆田李子凝甲戌九月二十八日東還刑使檢詳  
餞別於此 豫章李大異帥桂之三年勸農於廣壽寺  
是日春和景明天氣清淑因從容禊亭遍觀前賢鐫刻

過午而歸通判翟野胡槻臨桂令斛邁偕來嘉泰改元  
仲春望日

白龍洞題名 假守呂叔恭拉機宜劉子思監郡朱國  
輔經屬陳朝彥自中隱巖過白龍洞叔恭之子大鈞侍  
行紹興甲戌季春七日 朱晞顏慶元改元寒食陪都  
運寺丞遊白龍洞時牡丹盛開小酌崑下夕陽西度並  
轡而歸 臨江曾宏正淳祐癸卯閏望同三山常挺臨  
川吳湜羽士李可道來遊子公邁侍 淳祐庚戌覃懷

李曾伯因勸農來此得四十字是日微風扇和輕雲閣  
雨千峯翠滴四野綠秀枝禽對語春意駘蕩無極徜徉  
久之緩轡而去賓佐四明史偉之廬陵曾垓眉山楊埏  
東嘉林拾三山卓炎子廬陵王真孫長沙胡盛盱江周  
子榮潼川楊牧之清湘滕處厚續至 白龍山在桂城  
東南登山之西而至其洞深廣可數楹石之穹窿隱然  
若神物化去而留其迹洞之名蓋亦舊矣元祐己巳二  
月八日上黨苗子居歷陽高時仲金陵李師正黎陽吉



鄰幾乘暇以遊愛其佳趣因刻於石以志其來爾會稽

關蔚宗題 上饒盧潛禮濟北段徵之毘陵胡茂方同

郡樓元弼武夷葉振卿紹聖乙亥秋九月中澣遊 湘

陰彭子民陶遠王長孺洛陽席貢從詔使按部還桂同

遊白龍洞己卯春 公輔公密侍親遊春來此政和辛

卯季春旬休日 南郡唐晉德攜家同遊男鋼銖銓錫

侍行政和二年三月二十七日題 李景言王子舉渭

之昭淳熙丙申立夏日同遊 陳正仲銓訖之官王景

醇林亨仲飲餞於乙卯仲冬 慶元丁巳立秋後三日

同幕集觴於此豫章王岳次山溫陵趙庚叔初長沙陳

克仁壽卿長樂陳昂中定謨臨川楊文明仲藻 慶亭

翟子野歲在庚申重五休務日攜家往尋宮洞之勝時

也暑風清微涼氣襲人徜徉終日不知夕陽之在山也

長沙李勁正臣胡持正雅叔唐嶸次山朱佐君輔蕭

仲仁元之嘉定甲子端陽日憩此 嘉定辛未中元後

四日計臺臨汀楊公子直復出按未歷之郡憲臺括蒼

管定夫帥守濟北李誠之載酒白龍洞留款先是去夏  
六月大暑公初行郡亦嘗觴此夫仕嶺南多鄙夷其民  
怠忽迺職使者間畏炎毒未嘗一迹按部公連歲犯暑  
殆遍走二十四州尊年精明人所難及父老有迎拜而  
問者曰使家壯也何用而見用於遲晚近也弗留而肯  
留於遠外吾儕嶺民懷私惠而勤勞使家一至於斯公  
呼而謝之曰上有命老弗容辭遠弗敢憚懼我之矜汝  
者或有未至而汝之憐我者姑置勿言遂一笑登車既

行勒茲語於崑石用告我同志云 東萊呂祖异長沙  
王濟美自千山觀聯騎來遊嘉熙初元正月二日

曾公巖題名 元豐三年十二月初五日權本路轉運  
使朝散大夫直集賢院陳倩君美權荆湖南路轉運使  
朝奉郎直集賢院朱初平仲隱權發遣提舉本路常平  
等事光祿丞劉誼宜父同遊曾公崑時仲隱宜父瓊莞  
體量安撫回歸任會此 盧約潛禮胡田耕道劉川子  
至胡義茂修方樓禹鄰元弼葉世隆振卿閻淳質夫傅

諒友冲益方元哲允廸紹聖乙亥初偕遊 朝請大夫  
直龍圖閣知桂州兼安撫經畧胡宗回醇夫朝奉大夫  
轉運副使程節信叔朝奉郎提點刑獄曹輔子方朝請  
郎轉運判官程遵彥之邵承議郎提舉常平徐常彥和  
紹聖乙亥季冬甲辰同遊 轉運判官周元吉寵遷近  
部副使唐夢傳餞別遊此提舉學事戴質夫提舉常平  
陳從道預焉大觀四年六月十八日 權知州事張莊  
正民題時自妙樂來從風洞轉魁龍隱江歸 先之道

夫夢傳質夫從道明遠進德政和壬辰歲季秋丙子日  
自風洞來遊曾公崑清坐良久遂過龍隱 經略安撫  
蔡懌樂道提點刑獄尚用之仲明廉訪使者張洵仁仲  
宣和甲辰八月初八日同遊 湘陰彭子明彥修建安  
劉川子至西安留怙彥強洛陽席貢叔獻同遊曾公崑  
元符戊寅九月二十五日庚午題 經略安撫劉彥適  
轉運副使陳袞提點刑獄董莽轉運判官趙子巖富陽  
故侯孫觀紹興四年七月十二日同遊 番陽汪恪義

安劉文桐廬方洪紹興戊辰六月二十有八日同遊

方城張淵道晉陽路質夫贛州曾吉甫桐廬方務德潮陽劉方明同遊曾公巖紹興戊辰六月丁酉 唐逢堯

趙周材劉時舉方稚川王公休汪聖錫紹興辛未二月二日同遊 淳熙五年廣漢張棫敬夫時以閏六月朔

旦北歸湖湘前三日與長安周椿伯壽來遊水東諸崑以致其欲去之意賓客相追尋於山間者陽武万俟立中不倚建安黃德琬延瑞八桂張仲宇德儀蔣礪良弼

唐弼公佐李化南夫延平張士侏子真邯鄲劉乘晉伯  
長沙李揆起宗吳獵德夫宜春李逢源造道東萊呂修  
年永叔 淳熙辛丑立秋後一日括蒼梁次張拉清江  
徐商老浚儀邢之美延平張子真柯山李伯寅來遊當  
暑而寒劇飲不醉 蔣子明王千秋謝長卿紹熙二年  
六月晦日來遊 鄭子壽倅清湘總檄過八桂姚山別  
行以嘉定己巳之朔旦偕前邵陽令三山江信之來遊  
潮陽鍾大鳴赴廣東運司進士試莆田方信孺約同



訪堯山歸路過曾程二巖酌別於龍隱來日遂行玉筍  
山道士胡侗平偕至嘉定八年六月晦 嘉熙己亥重  
九日帥守建安徐清叟直翁繡使嵇山黃自明明仲同  
遊 癸丑十月十七日丘仁叟譚雄飛裴夢貺同遊

高陽許慶元善弘農楊禹圭君寶辛己歲季春廿九日  
同遊男許珪侍行謹題 華陰楊損益老來自都城觀  
桂林山水竒秀歎未嘗見江都尚安國長卿於是拉金  
華姚弼中文發寵弟充國翁卿定國曼卿宅相楊俊彥

周輔相與徧遊嵩洞登超然過八桂升雉山探風穴入  
栖霞捫七星濯纓於伏波烹茶於靈隱酌酒曾公崑中  
泛舟妙樂堂下自戊申至庚戌凡三日而後歷覽物外  
勝遊一段佳事也宣和七年歲次乙巳夏六月初十日  
書

龍隱巖題名

尚書外郎熊同文侍禁閣門祇候王貞

白殿中侍御史俞獻可大中祥符五年九月九日同來  
獻可書 廣南西路體量安撫使副余靖安道漕副熊

文友經略安撫蕭固幹臣轉運使宋咸貫之兵馬鈐轄  
柳涉公濟提點刑獄李師中誠之馬仲方子正通判黃  
照晦甫是日遊風洞栖霞洞遂遊此嘉祐五年十月晦  
日題趙璞書 大宋治平元年仲冬二十七日同轉運  
判官孔延之長源前安撫司勾當公事姚原道彥聖新  
知龔州丁錞帶聲自壽寧院抵慶林觀少休風洞上登  
栖霞洞却下漾檝泊龍隱巖行觴嘯詠日薄西渡提點  
刑獄余藻質夫因書覽遊之勝刻於崖石 經臣張覲

執中劉彛志康傳燮熙寧甲寅六月八日同尋回穴山  
飯於是烹酌石乳之溜試北源新芽香色相得皆絕歎  
賞數四遂同舟以遊風洞 權發遣轉運使尚書屯田  
郎中直集賢院張頡副使殿中丞苗時中提點刑獄太  
常博士劉宗傑管勾常平前江山丞劉誼元豐元年八  
月二十四日遊龍巖 起居舍人龍圖待制知桂州兼  
廣西經略安撫使曾布權發遣轉運使尚書度支郎中  
直集賢院陳倩權副使殿中丞苗時中權發遣提點刑

獄太常博士劉宗傑權發遣提舉常平秘書丞齊諶管  
勾常平前江山縣丞劉誼元豐二年二月十日遊回穴  
南豐曾布己未上己盡室經日歷覽東觀崑穴之勝  
遂遊雉山 南豐曾布甬上苗時中洛陽劉宗傑歷陽  
齊諶吳興劉誼元豐二年四月二十日同遊 熙寧六  
年轉運使張覲經臣提點刑獄李宗儀唐輔馬化德之  
轉運判官杜璞元珍提舉常平關杞蔚宗傅燮志康議  
事於桂林闕 月二十九日成書過回穴察訪廣西公事

許彥先覺之題

比部周應期

闕

陳大順判官張

闕

進士林豐

闕

熙寧七年六月初八日同遊

朱子文

劉伯宗元豐初年六月二十八日同來

朝請大夫直

龍圖閣知桂州兼安撫經略胡宗回醇夫朝奉大夫轉

運副使程節信叔轉奉郎提點刑獄曹輔子方朝請郎

轉運判官程遵彥之邵承議郎提舉常平徐常彥和紹

聖乙亥季秋甲辰同遊

朝散郎經略安撫使司勾當

公事盧約瀛州防禦推官管勾書寫機宜文字胡茂修

和州防禦推官權管勾機宜文字樓禹鄰

開

州錄事參

勾當公事葉世隆紹聖壬午七月遊 信安留怙彥強

江夏黃忱君錫零陵陶達由聖弟迥鄰之宣城侍具鉉

希聲洛陽席貢叔獻元符己卯正月十二日同遊龍隱

巖 壽之赴官合浦道出桂林遊龍隱崑伏覩先君經

略龍圖留題不勝悲戚元符二年九月旦日第三男供

備庫副使新差廣南西路兵馬都監兼知廉州軍州事

張壽之謹記 新定許瑞卿中甫雅有崑洞之好被召

歸刑曹鄱陽程節信叔歷陽張景溫敦直全魏董遵守  
道酌別於此而中甫眷眷有惜去之意元符庚辰五月  
十九日題 鄱陽程節曲江譚挾臨川魏蒙全魏董遵

廬陵曾正建中靖國元年寒食日同遊 天下洞類多

幽陰或遠水清韻不足龍隱巖高而明虛而有容復臨  
深溪大概似碧落洞而登覽之富則過之建中靖國元  
年臘晦日譚挾題 譚挾周冕杜奎張灌張元穎錢孝  
彥李彥弼洪彥昇程鄰周刊范瑄曾定求辛巳臘中澣



同遊 顯謨閣待制經略安撫使王祖道若愚權發遣  
轉運副使公事張莊正民提舉常平等事索述宗理權  
發遣轉運判官公事陳邁亨伯宗寧五年八月十有九  
日 若愚宗理亨伯正民宗寧五年聯事桂林屢遊嵩  
洞將紀於石八月下澣日宗理亨伯正民 闕  
成而偶得此遂題 韋公輔率胥士穎孫祖德劉與呂  
會食崇寧登轉魁觀風洞歷曾公崑泛舟之龍隱晚酌  
於驂鸞閣大觀庚寅十一月二十五日士穎記於石

朱輅國器韓靖安道杜綜公實戴字中道純周裕若德  
李伯修時敏政和改元孟秋既晦遊曾公巖登風洞浮  
江下龍隱抵暮而後歸 陳仲宜道夫唐最夢傳戴安  
仁質夫陳中復從道趙淵深之唐懋晉德政和辛卯九  
月十有三日同遊龍隱巖 建安謝勳古原田永年長  
沙裴嶢侯延李義柳杜傑淮揚楚執規揚書思鄱陽張  
琮臨川劉芑政和三年二月二十九日自東禪泛舟過  
龍隱崑 劉鋹蔡懌呂汴馮元震侯材王蕃宣和己亥

仲秋二十三日同遊 魯郡尹溫叔挈家來遊日暮乃

歸男穡侍行建炎庚戌六月上澣 少隱置酒條然會

公弼景淵似矩飯罷拏舟絕溪遊龍隱崑酌乳泉煎沈  
水解衣盤礴久之過栖霞晚復集於寧壽紹興五年三  
月初十日 建安陳杲景初襄邑鄭安恭子禮莆田吳

贊仲一溫陵康寧元壽昭武饒浚明彥觀方城范揆辰  
公任全魏王拯濟翁吳祖憲叔章觀梅郊外早會於條  
然亭啜茗於此晚集信善寺紹興乙丑臘前一日題

元壽攜家遊疊綵到八桂堂陶家園栖霞洞曾公嵐風  
洞午食龍隱晚集雉山過於家園歸紹興丙寅寒食前  
二日 明道質夫吉甫務德方明紹興戊辰六月十一  
日同遊 楚東汪恪端中潮陽劉汶昌叟桐廬方洪稚  
川紹興戊辰六月二十八日同遊 叔遲將歸上饒子  
毓素仲稚川餞別於八桂堂放舟遊曾公龍隱之巖舉  
觴相屬悵然有離去之歎紹興己巳正月中泝 桐廬  
方滋務德清湘唐時逢堯廬陵劉彥登允升莆田載緯

對甫

闕

王忠臣子厚臨川劉振時舉楚東汪恪端中

雒陽李津元映

闕

大梁

闕

紹興己巳春社

同登龍隱巖啜建溪新茗遂過遊曾公崑 朱景通將

之石龍黃繼道童全老解官憲幕王師孟詹元簡邀方

稚川劉孟公餞別於翛然亭飯罷遊龍隱巖過栖霞洞

登山臨水離思黯然抵暮還湘南小酌紹興庚午九月

既望 唐逢堯趙周材汪聖錫劉時舉王公休方稚川

紹興辛未六月二日同遊 後五十一年紹興丙子十

月初五日轉運判官王孝先來遊恭觀先公經略尚書  
舊誌驚歲月之逝想風木之悲揮涕而書謹勒諸石

開封蔣公被旨廣西幹事因遊諸洞至此少憩建武劉  
文舉偕行改元隆興季秋初七日命姪存思書於石記  
他日觀 七閩孫師聖黃壽之江清卿修卿陳啟宗黃

升卿張子真子斐王公左謝少魏乾道丁亥六月上休  
自七星聯鑣過程公崑小集龍隱泛舟由朝陽以歸師  
聖子德卿壽之子希呂侍行 金華朱紱永嘉周去非

直夫豫章簡世傑伯俊西洛王子瞻晦叔廣漢張杓定  
叟定叟之甥甘弈可大來遊壬辰三月晦 淳熙十三  
年冬十月己亥桐廬詹儀之開封王寅祖姑蘇孫詔遠  
職事之餘來遊龍隱是日大風重裘不煖俯仰久之至  
骨為聳 淳熙己酉中元日李景淳徐體仁劉益仁來  
遊龍隱巖樂水石之勝徜徉久之 桂林崑洞龍隱其  
最也下有潭泓澄縈紆貫於巖腹世傳昔有龍蟠伏其  
間因以名焉公餘同廬陵曾天若婺女呂祖平新淦董

世儀建安劉源來遊得二十八字紹熙改元十月吉日  
新安朱晞顏 慶元戊午正月八日集松關之儵然亭  
既而拏扁舟延緣過龍隱為水石更酌及暮登新橋以  
歸董世儀子羽王琨德貢熊思遜謙甫呂大信不約曾  
三畏無過武居仁榮叔王琳子休饒祖堯述古楊相魏  
翁劉龜習季占楊汝明仲藻魏璋廷珪劉正之子正余  
棟林華高正臣治表趙善欽欽之趙師撫聖從范行閔  
景騫喜而來與者趙彥緝仲正 魏郡王子羽公飾臨



江劉正之子正廬陵李如圭寶之豫章黃銖公權慶元  
戊午中秋前二日來遊臨流班坐洗醖更酌久之而去  
嘉定己巳合沙黃師淵子仁師騫子孝師哲子與師  
參子魯師雍子敬鄭潤輔濟仲同遊 嘉定甲戌立秋

後二日韶國趙善淇衛叔假守玉融因獲登艦同遊螺  
川李卿月子西鄮山朱燮德和男女嵬侍 曾全洪友

成朱鉅朱鑑潘瀾劉天成趙必益必矩嘉定丙子十月  
朔同遊龍隱 嘉定丁丑立秋後一日昭武鄒應龍景

初南

闕

吳純

闕

德粹廬陵曾煥文卿同遊

右文殿經

略安撫廬陵胡槻伯園提點刑獄吳興芮及言子及轉

運判官括蒼沈實茂揚嘉定十四年季冬十有四日同

遊龍隱時茂揚已有星郎之命 嘉熙戊戌歲七月癸

未龍溪顏頤仲景正邀長沙鍾震春伯登湘南樓過儵

然亭浮灘江訪龍隱窮栖霞冷水諸洞之勝羽觴滿引

角巾相羊時以令休乘暇幽尋超然物外髣髴乎日月

華君之與遊也 淳祐丁未季秋中澣長洲陳信伯茗

溪朱應元以幕府休暇日自癸水泛舟來遊龍隱流泉  
怪石天巧地靈老桂秋蕪風清日美人世之仙境也

河內李曾伯長孺同賓客溫陵錢宏聲父清湘趙畬夫  
俞仲長沙楊允恭謙仲三山黃應雷叔震翁山楊埏子  
西臨川鄧淳德粹衡陽陳彌壽仁父以淳祐庚戌二月  
中泮來遊是日久雨初霽風日和美相與煮泉淪茗而  
去曾伯因為先世遺墨拂塵期而不至者巴郡稅與權  
巽父 朱埴侍二親來觀寶祐戊午冬 閩中朱禊孫

以景定庚申帥嶺右屬南邊倣擾之後惟征惟築日不暇給賴朝廷威德年穀屢豐邊鄙不聳盜賊衰息咸淳初元春誤蒙恩召歸行有日領客任忠益楊恪趙與植朱景行文有年胡斗元管炎發蔡文周挾王煥陳野王公及來遊男皇待 古壽呂師夔虞卿以咸淳八年被旨牧桂明年夏五叨召東歸乃率偕行者壽諸石江陵李直清寅之九江周得一宏英合沙周舜夫景舜古歛方端夫正仲光山胡文舉公選臨濠孫揚武景武孫振

武景文壽陽楊震孫東叟程遙達伯淮合肥翟國寶君

端子元直元仁元愷元方元哲侍 咸淳壬申嘉平中

澹衡山熊桂崑伯闕長沙嚴龕應之廬陵管浚發季源

衡陽尹可繼子善 八桂崑洞為天下奇觀同谷李興

九華章時發臺閩餘間躍馬汎舟仰堯山之高挹諸崑

之勝時和歲豐與堯民共擊壤云咸淳甲戌上巳後十

日

劉仙巖題名 晉陽路質夫桐廬方務德紹興己巳二

月十四日同來住嵩道民郭顯勒石 提點刑獄公事  
延平張維經略安撫使歷陽張孝祥以會慶節祝萬壽  
於西山資慶寺飯已登超然亭遂遊中隱嵩白龍洞劉  
公巖以歸客長樂鄭顥江文叔吳鎰俱來乾道元年九  
月二十二日 嘉定癸酉先瑞慶節之一日經略安撫  
管湛提點刑獄方信孺轉運判官陳孔碩既斬白萬壽  
於道釋宮因探洞過劉仙嵩是日秋色澄霽

伏波巖題名 知桂州兼經略安撫陸詵提點刑獄公

事余藻轉運判官孔延之兵馬鈐轄白均徐印新知鬱  
林州姚原道經略司勾當公事劉恕治平二年立夏後  
二日會於此藻題 南陽達夫會稽蔚宗清江志康熙  
寧壬子八月望日同遊東崑 潘景純米黻熙寧七年  
五月晦同遊 龍石會人龍圖閣待制知桂州曾布子  
宣轉運使尚書度支郎中直集賢院陳倩君美副使殿  
中丞苗時中子居提點刑獄太常博士劉宗傑唐輔提  
舉常平秘書丞齊諶子期管勾常平前江山縣丞劉誼

宜夫元豐二年六月初三日同遊伏波崑 建安陳倩

吉水彭次雲歷陽齊諶吳劉誼元豐二年十二月二十

四日同遊伏波巖後二日大梁和斌獨遊王軾題 曲

江譚挾弟拱抃湟川蕭汝朗同遊紹聖丁丑孟秋二日

文初題 朝請大夫直龍圖閣知桂州兼經略安撫胡

宗回醇夫朝奉大夫轉運副使程節信叔朝散郎提點

刑獄梁子美才甫奉議郎提舉常平譚挾文初累會伏

波東巖茲崑勝絕在桂林洞穴之上具蒙亭之本末景



物之交會已載經略司管勾機宜文字黃邦彥之記云  
紹聖三年十月二十二日管勾書寫機宜文字胡彥修  
奉命題 潞汾程子立被命西邕兼將黃忱君錫餞別  
於蒙亭時元符己卯孟夏既望 鄱陽程節信叔曲江  
譚挾文初臨川劉蒙資明全魏董遵守道廬陵曾鎮次  
山自八桂堂過伏波崑啜茶遂遊龍隱洞辛巳清明前  
二日謹題 乙未元日端臣隻遊 曹聖邁黃彥劉秉  
文李端臣蹠躐青驄穿綠楊擷芳蒞挹滄瀾與春工相

忘無何鄉政和丁酉絕烟節 清源劉鑑逢時膠州蔡

懌樂道晉江呂汴子會祥符馮元震亨之襄陵侯材晉

卿蒼溪王蕃子宜自湘南樓泛舟過伏波崑避暑抵暮

而歸宣和己亥六月十六日 李昇之譚振尚肅之黃

鐸同遊 桂林富有巖穴而盛暑易於來遊者唯東崑

冠之宣和庚子六月二日三衢毛子嘉率天台周文虎

睢陽張君原四明林芑民巴陵黃師心三衢徐伯材會

飲於此翌日天台周彥佐復攜酒與昨諸公偕來獨文

虎伯材不至而宜陽吳廷貺與之 建安練山甫補官

宣和乙巳寒食前二日攜家來遊子宗衮宗元孫應侍  
行甥潘希孟奉命書 經略安撫蔡懌同提點刑獄尚

用之轉運判官黃鐸轉運判官曹邁提舉常平王舜舉  
廉訪使者練山甫早飯靈隱過曾公巖栖霞風洞程公  
崑烹茶晚會於八桂伏波巖抵暮而歸時宣和乙巳季  
春初十日題 晉江呂成之詣樞府稟議紫洲李域建  
安呂著長沙李服休都嶠陳覺湘潭吳希飲餞於伏波

高時靖康初元季夏四日 孫仲益自桂山還晉陵桂

帥率二漕憲車餞於八桂堂劉立道陳景淵董令叔趙

少隱與焉紹興四年十月二十一日 潮陽劉昉方明

自蜀還鄉過桂林寓八桂堂治舟伏波巖下追念昔為

兒童侍先子官於此邦始至以政和乙未之秋而其去

以宣和乙亥之春今三十年恍如一夢感歎之餘因識

巖壁庶使後有考焉男汶渭溱孫男駒駟鸞鵬鴻外孫

葉騏侍行紹興戊辰六月中澣 方明以戊辰六月廿

八日登舟東歸翌日解維泊雉山又翌日聞命復帥湖  
南遂還八桂辭不獲命改轅而北以十月二日啟行赴  
鎮是用再勒於前題之左方 浚儀張璩溫之被命前  
來經略施大資止之八桂堂五日復還武林因暇縱步  
來觀是巖紹興丙子末伏前一日 拱甫鄭子禮挈家  
來遊隆興甲申中秋日林得之置酒喜豐堂劉子思滕  
子昭蔡濟忠張安國林德光同集乾道元年臘月 宋  
公玉歸豫章王壽卿姚周卿田子蹇張子真子斐程善

道黃德制王儀之滕彥真飲餞於此乾道己丑六月十

七日 秦舜卿李南夫淳熙甲午重陽日來遊 淳熙

丙申三月九日王千秋袁闕清闕之官泰寧王登叟李

壽言劉闕李靜翁徐體仁官達卿鄭闕陳席珍謝長

卿李子闕呂伯闕餞於癸水亭千闕中闕千乘與焉

方信孺楊志李閔祖嘉定同遊 嘉熙改元初伏後

一日長沙雷文瑞祥仲趙師鐸舜臣劉應定直甫羅仲

孺巨卿黃岡徐敏子銜命措度南州館穀于崑側 四

明戴炎長沙韓夢發寶婺周翦星渚馬弼外孫上饒尤  
日新侍時淳祐丙午仲春下澣 淳祐丙午立冬後七  
日廬陵劉受祖之橫槎惠祖之蒼梧艤舟伏波崑下

蘭谿趙立德成以寶祐甲寅歲閏六月十有一日攜家  
東歸艤舟還珠洞至二十一日遊徧諸巖洞即行 長

沙胡德新盤叔泛灘歸湘猶子克紹同資中郭又新居  
安及鄉人周德明清叔梁世賢國佐鍾螯子浚鄭益謙  
遜伯飲餞癸水亭裴回崑下笑談竟日執別烟雨中寶

祐乙卯元宵後一日 覃懷李曾伯長孺以淳祐己酉  
來牧是邦越十年再開制閩屢至此洞每輒煮泉淪茗  
裹回竟日令人起清斯濯纓之想不知身在飛鳶跼跼  
墮水處也蓋夔山帶水勝絕天下而此洞又居夔帶之  
勝舊有癸水亭因城築令更為之男杓杞籽孫國華侍  
景定庚申首夏二日謹識 眉山朱景行以咸淳戊辰  
十二月三日登舟於此 吳興陶定安世來遊 甲申  
冬十一月初張唐輔吳正禮同遊 劉舜舉張子容子



真子安胡宗周同來庚寅三月中澣

七星山題名 河間俞獻可上谷燕肅趙郡李誥聖宋

天禧二年秋月中元同遊 慶厯四年甲申九月二十

三日辛巳廣南西路提點刑獄尚書虞部郎中隴右李

永德尚書職方員外郎知桂州汝南周駢尚書都官員

外郎新知永州滎陽潘衢轉運判官太常博士安定梁

戴同遊 曹聖延李端臣躡雲蹬摩星魁倚筇少憩於

此丁酉七夕前三日 經略安撫蔡懌樂道提點刑獄

尚用之仲明廉訪使者張洵仁仲宣和甲辰八月初八日同遊 紹興六年丙辰歲上九日八桂龍躍并宛丘

唐全同判仙李記到此因而刻題 方城張淵道晉陽

路質夫贛州曾吉甫桐廬方務德潮陽劉方明紹興戊辰六月丁酉同登七星山 紹興丁丑正月己巳府縣

官屬汝陰張好禮定叔開封李裔元傳之睢陽王處存子安洛陽楚偃師言長沙吳延年永錫壽春魏美言季及溫海戴子琦君美清江楊獬正伯休務相從尋春於

訾家洲訪程公崑入栖霞洞憩於黃氏之園極一時觀  
遊之勝繼至者二人開封賈戒之公戒柯山陳梁伯初  
余素有山水癖遊宦江浙逾二紀明峯繡川歷覽幾  
盡飽聞八桂崑洞之奇恨未能一到得郡鬱林因攜家  
謁清惠祠泛舟過龍隱食已由曾公崑入栖霞洞洞深  
窈窕數里不能極其涯既出相羊石扉宴坐終日有野  
雲飄素練羣峯錯蒼壁超然頓忘俗慮信壺中有天語  
非虛誕又疑飛空步霧乘風駕鶴而來想仙島蓬宮不

異此也隆興初元七月十七日三槐王定甫之書會稽  
諸葛國瑞永嘉林騰達偕行 乾道癸巳重九吳人章

潭邃道范成大至能攜家同登七星山遂遊栖霞水月

諸洞 鄭少融趙養民李正之范至能落壺天觀還會

碧虛淳熙元年 范至能赴成都率祝元將王中顯游

子明林行輔周直夫諸葛叔時酌別碧虛淳熙乙未二

十八日 增城崔公正子被旨奏事以癸酉上春下澣

舟行先一日括蒼管定夫濟陽李誠之會飲於湘南樓

已而遊屏風彈子崑栖霞洞泛舟龍隱歸集於翛然亭  
時積雨新霽風月較美清流碧巖隨處莫不呈獻特為  
公妍黃童白叟夾道相與咨嗟蓋公持憲甫期年而行  
部之日居半未嘗足歷崑洞及茲召行肯為一日留酒  
行加歎曰天下巖壑稱誦此地誠亦希有人生臭味投  
合此會良未易得景物人情覺相愛戀此意尤難忘其  
為我鏡此語於崑石他日以墨刻寄似亦足以慰所思  
云故書 莆田方信孺 關 嘉會七星山嘉定 關 陽

月來 呂偉信留桂林五月凡山水之勝無不登覽於  
其行也蔡顏仲具酒率韓弼時蔣商澤同遊以別陰雨  
淒涼倍有離羣之念癸卯九月二十日 淳祐辛丑六

月二十一日昭武謝達叔達金華劉泳清叔臨川羅愚  
季能遊 江右蕭澥曹朋年周復朋曾遊 萬必達淳

熙改元仲秋九日獨步壺天觀回憩碧虛伏讀鄭君事  
績長歎二真景昔時之集今獨何異於愚也敬書

玄風洞題名 程節信叔張景温敦直董遵守道許端

臣中南元符三年五月十九日遊 政和壬辰季秋丙  
子經略安撫使王先之邀轉運副使陳道夫提點刑獄  
唐夢傳提舉學事陳質夫提舉常平陳從道走馬承受  
陳明遠轉運判官唐晉德早集東禪寺飯於安樂堂煎  
茶少憩遂過玄風洞 宜春曹邁聖延廬陵李彥弼端  
臣凌商衢絕湍桴挾隨車之霧潤探空穴之薄膚於是  
七雲子甌酪奴討文圃之菁英研道樞之虛無恍契夫  
禦寇之冷然歛翱乎寥陽之清都政和七載丁酉七月

上澣日李昂霄奉命書 來風亭落成少隱置酒會者

幾人立道景淵令升汝弼仲益紹興甲寅七月十一日

彈丸山題名 括蒼梁安世題云諸崑多奇觀獨少寬

平縱步之適惟彈子崑前有地百餘畝水竹窈窕環以

遠山經略眉山劉公焯始買地為圃隔橋築亭仰觀崖

石如坐冷泉對飛來諸峯遂為桂林勝遊之最淳熙庚

子中秋日會於靈隱亭登舟貫龍隱得雨甚涼沂流酌

癸水亭上醉荷香而歸 江西鄉人同仕於廣右者十



有二李蹊成叔郭有憑充誠潘修文叔李石韞玉徐臺  
莘商老王璟李文張坦明仲蔡詵子羽陳公璟師宋魏  
沐熏父王思詠詠之孟浩養直淳熙重光赤奮若仲秋  
中澣講鄉會於湘南樓過彈子崑題石 淳熙九年歲

在壬寅暮秋初吉七閩熊飛景瞻以憲事行部至桂林  
與鄉人宦遊者李暮東暉李擱伯廣王葵欽之陳閱周  
卿上官駿子聲鄧夏卿仲華吳三錫籠卿吳榮漢老楊  
延季洪卿陳璧廷珪鄭震希聲潘元震子聲陳光祖昭

遠吳孝友次張趙冲虛中莊漢輔季良蔣孟震震卿朱  
木仁叔陳鷹定夫會於諸洞以續庚子之盟與者濮陽  
馬演季長青社錙良弼傅鳳臨川蔡詵子羽 桐廬詹  
體仁三山林惠隅遊龍隱曾公栖霞彈子諸巖洞天霽  
氣和徜徉終日第憲車行部不得同此樂也淳熙乙巳  
正月中澣 莆陽陳謙正仲自三城辟守懷澤就銓計  
臺仲子璉侍行臺府賓佐移尊水東盤礴松關歷覽曾  
公栖霞彈子諸崑洞同遊者十二人北嶽王宗孟景醇

泉山趙庚叔初林子蒙亨仲廣平李正夫頤老廬陵董  
世儀子羽建安鄭繼勳少周劉褒伯寵臨川楊汝明仲  
藻西安徐詡叔虞金華宋甡茂叔新安朱權聖與長沙  
李魯玉伯溫時連雨忽霽寒氣亦斂景物呈露極驪乃  
歸慶元冬十一月二十有六日 開禧改元季冬中澣

東都趙善恭作肅領兒曹汝洌汝瀧汝湏汝滙汝渲來遊壻  
昭武謝寧孫鄧友直外孫謝濱鄧筠侍行後一年清明  
前十日趙作肅并同妹壻譙陽李昭田子述祖外甥李

浩中直李濤清叔及親戚朱黻明卿舊同官周信誠甫  
徜徉數刻而歸

屏風巖題名 經略安撫蔡懌樂道提點刑獄尚用之  
仲明廉訪使者張洵仁仲宣和甲辰八月初八日同遊  
桂林巖洞冠天下而此崑最清絕又五嶺之冠也延  
平鄧公衍彥達宜春藍茁文穎秦臺西門賞進賢平陽  
丘阡仲通建炎戊申天中節日來遊 經略安撫建安  
周與道提點刑獄江東程巨用廉訪使者開封侯晉卿

建炎二年十月初五日同遊飯罷乘輿遊栖霞洞許

中甫遊慶林來此庚辰六月廿八日題李似之林德

充許師仲兩仲同來乾道丁亥十一月廿有四日明年

秋七月甲子師仲與二水唐德柄三衢劉公實復來後

三日再至經略安撫使范成大新作壺天觀提點刑

獄鄭丙落其成轉運判官趙善政提點坑冶經略錢守

大正同集淳熙改元十月十日夏彥鴻淳熙甲午仲

秋題淳祐丙午復亨之明日永嘉翁安之恭父寶婺

章文之文叔開封劉必聞達可廬陵郭有道景泰左讜  
忠父盱江黃應龍正父周子榮景仁縉雲潘景丑孟清  
江龍奎沃定同飲餞南海錢益良輔於蓼帶亭乃由栖  
霞步曾巖登辰山重會於此是月也瑞雪翔空愛景騰  
耀羣玉獻狀沃野如繡睽焉良集於是乎書

疊綠山題名 安南桂管宣慰使馬日溫送馬祭酒上

後因遇吳王三人同遊此洞元和九年春四日題 南

豐曾布子宣浦城陳倩君美符離苗時中子居永安劉

宗傑唐輔歷陽齊諶子期長興劉誼宜夫元豐二年六  
月初三日同遊 建安謝勳信都李温古原田永年淮  
海楊書思政和三年癸巳二月二十四日遊石門洞  
淳熙戊戌春分日桐廬詹儀之體仁與僚屬來遊王關  
登臯王浚仲瑤周邦弼直卿鄭鄴夢授 開禧丙寅寒  
食日浚儀趙善恭作肅領兒輩汝洌汝瀧汝淠汝渲壻  
武陽謝寧孫鄧友直來遊外甥謝瀆鄧筠侍行 吳穎  
仰方夷吾子容劉孟公來辛未三月丁酉

于越山有唐貞元間吉州康司士義興房丞江陵韋隨  
軍皆以新鐫字滅失其名惟前進士陶立言則可觀者  
亦當時來遊之題名也

寶積山華景洞題名 嘉祐三年秋七月安撫兼經略  
刑部郎中直昭文館知桂州蕭固幹臣轉運使金部員  
外郎王罕師言因宴北郊語臨桂令梁庚闢萊蕪地得  
一古洞有刻曰華景其石壁唐桂州刺史御史中丞元  
晦巖光亭詩在焉乃會昌五年四月十日題蓋武宗之



乙丑年也其蕪沒則不能審於何時逮今踰百祀也而復新之於師言且洞無情物爾而得幹臣師言而興生靈者其興又可詳矣復再踰月十有六日幹臣師言與提刑屯田郎中宋咸貫之同提刑文思副使王琚彥溫鈐轄供備庫使李繼明嗣昌通判屯田員外郎周約中立復遊於是貫之因本所以然而書其崖云 提點刑獄李師中前瓊守謝鴻郡丞黃照幕下孟廷堅段惟修周侗會此崑下嘉祐辛丑正月十九日 兵馬都監閻

紳君儀莞界巡檢劉永世延之知興安縣卞玄冲道淵  
熙寧甲戌孟冬初六日會此 似槩景淵令升少隱公  
弼同來熙寧五年閏二月初十日 嘉定癸酉長至前  
四日方孚若邀管定夫陳膚仲來觀膚仲書榕臺二字  
贈主人使鏡之 嘉定七年夏五江西張自明與定武  
趙蔚來遊 寶積山三篆字在今傍山居者屋後石壁  
因言壁側有呂公巖榕臺亦在其地

虞山韶音洞題名 淳熙乙巳九月二十有九日大閱

前一夕雨會朝開霽旗幟明人馬盛努力勁皆新創也  
士練有素各以技逞實一時壯觀張栻題 桐廬詹體  
仁以明日招三山熊景瞻林德隅出郊歷韶音洞登釣  
臺天氣增爽言宴清適儘可人意屬景瞻有移節江東  
之命舉酒相屬又使人不能無悵然

辰山題名 趙悅道翁子東李叔逢余仲庸鍾定叟嘉  
泰甲子月夕前七日來遊

穿山題名 廬陵胡仲威伯圓約張維翰和甫陳次賈

倪俊孺來遊嘉定五年

閏月

端平丙申七月長樂趙

師恕不以將受代睠此崑壑之勝僚佐之賢上澣日邀

慶元劉椿壽卿莆陽王太冲元邃

望夫山題名

廬陵劉彥登允升通判靜江秩滿還朝

以紹興己巳二月六日啓途連帥桐廬方公載酒酌別

於城北郵亭翌日又命僚佐作餞為終日之集會者十

有四人清湘唐時逢堯莆田戴緯對甫臨川劉振時舉

邳陽董辨審言汴陽鄧建義成真定賈傑次之夷門王


邦翰憲卿番陽汪恪端中雒陽李津元映程祐之申甫

陸庚

闕

豫章黃拱辰贊甫建安胡實正虛同安朱彥

德繼善



粵西叢載卷二